

cxxxvi.

Bailh de metterie, relligieux, delmas et
ormieres

L **an mil six cens trante cinq** & le]quatorziesme[**quinziesme**
jour du mois de **may** apres midy regnant louys &a par devant
moy not(ai)re royal soubz(sig)ne dans ma boutique en villemur &a estably
en personne le reverant père **gaspard verdier relligieux**
procureur et sindic du couvent n(ot)re dame des carmes de
castelsarrazy lequel de gré en ladicte qualitté faisant pour et
au nom de tous les relligieux dudict couvent a bailhé &
bailhé a conduire et faire le travail a demy fruitz a **anthoinette**
delmas vefve de jean ormieres et a jean ormieres mere et filz
laboureur habitans de la **parroisse de la mag(delei)ne** ^° stipulant et
acceptant sçavoir est / de la **metterie** que lesdictz relligieux
ont située dans lad(ite) parroisse appelleé **de godinelly** pour le
temps et espasse d'une année quy escherra a la feste de
tousainctz prochaine et aux condi(ti)ons suyvantes, c est
que lesd(its) delmas et ormieres mere et filz seront tenus de
faire leur residance assiduele au bastiment de lad(ite) metterie
comme aussy de se charger du]pay[paire de()vaches avec
leurs veaux que lesd(itz) que lesd(its) relligieux y ont, selon l'extima(ti)on
qu'en sera faicte entr'eux ou par expertz dont conviendront
a condi(ti)on que tout le()proffict quy en proviendra soict en
prix ou en gays sera commun et partage migierement entre
partyes, en laquelle forme la perte sera supportée arrivant
fortuitement mais sy c()est par la faute desd(its) delmas
et ormieres iceux en seront tenus envers lesdictz relligieux

.....

pour la nourriture duquel bestail ledict sindic leur bailhe
le foing et pasturagges de lad(ite) metterie a la charge d'entretenir
lesdictz predz faire faucher preparer et rettirer ledict foing en
saizon deue & icelluy faire despandre en mesnagers audict bestail
mesmes de laisser celluy quy sera de reste apres avoir couvert
en bon et deub estat dans lad(ite) metteie ou aux environs d()icelle
ainsy qu'est accoustumé, et en caz lesdictz delmas et ormieres
se trouveroient n'avoir pas de quoy faire faucher ledict foing.
ledict sindic promect et sera tenu de leur prester ce quy sera
pour cella necessaire ou de le faire faire a leurs frais et despans
dont ilz le payeront ou renbourceront de la recolte quy
proviendra desd(ites) terres pour leur part l()année prochaine, item
seront tenus lesdictz de()linas et ormieres de faire le travail
et culture]que leur sera possible[avec ledict paire de bestail
de tout autant des terres de ladicte metterie que leur sera
possible sans fraude toutesfois, des voutes et façons requizes
et accoustumées sans qu()ilz puissent estre recherchés ny de

rien tenus en cas ilz ne travailheroient toutes celles quy sont de terre pour estre ensemancees la presant année ^° suyvant leur particuliere conven(ti)on davantage seront tenus de faire les fossés et contournieres & foussoyer les piedz des arbres quy sont dans les terres qu ilz travailleront pourrir les pailhés et despartir les fians quy en proviendra ausdictes terres le tout en bons mesnagers et peres de familhe & les grains quy seront necessaires pour les ensemancer seront entierement fournis par ledict sindic a la charge par lesd(itz) delmas et ourmieres de luy en rendre et()payer la moitié en

.....

cxxxvii.

mesme espece qualitté et quantitté l()esté suyvant / les mistucieres seront *mis* en commun le sol faict au lieu accoustumé ou lesdictz mettayers charrieront la gerbe pour y estre despiguée et tous grains partagés esgallement a la raze ensemble les autres fruitz et danrées quy se reculheront aux possessions de ladicte metterye & la part desdictz relligieux lesdictz delmas et ormieres seront tenus sy besoing est et requis en sont d'apporter dans telle maison que bon leur semblera dans la presant ville moyennant le disner ou soupper au charrettier selon l()heure qu()il arrivera ne pourront iceux mettayers couper aucun arbre a pied ny rien endomager mais auront faculté de prendre des rabugages et autre bois inutillé pour leur chauffage tant seullement . item leur a baillé et baillé ledict sindic une truie poil noir ayant l'une des jambes de devant blanche avec huict siens petitz couchonz ou couchonnes apprecyés entre parties a la somme de quinze livres dont lesdictz mettayers se chargent pour les garder et nourrir en ladicte metterie en bons menagers pendant le temps qu()ilz y demeureront & jusques a ce que la vente s'en fera d'ung commun consentement a condi(ti)on que tout le proffict quy en proviendra sera moitoien demeurant tousiours le pied et caval audict sindic sy ledict bestail vient perdre par la coulpe desditz mettayers . iceux en seront tenus envers ledict sindic . mais sy cella arrive par cas fortuict

.....

la perte en sera supportée migerement comme aussy leur a baillé & bailhe deux tessonnes poil blanc et noir soubz le pied et caval de la somme de dix livres que lesd(its) mettayers seront pareillement tenus de gardér et nourrir en bons mesnagers en ladicte metterie jusqu()a la feste saint martin prochaine auquel temps seront partagés migerement au prealable ledict sindic ayant rettiré lad(ite) somme de dix huict livres et en considera(ti)on de ce seront en outre tenus lesdictz mettayers de garder et nourrir en la forme susdicte pendant ledict temps en lad(ite) metterie une

autre tessonne poil noir que lesdictz relligieux ont en icelle metterie sans pourtant y pouvoir demander ny prethendre aucun droict et a condi(ti)on que sy lesdictes trois tessonnes ou aucune d icelles venoient a se perdre par cas fortuict ilz en seront tenus deschargés et sy c()estoict par leur faute ilz en seront tenus envers ledict sindic ensemble seront tenus de payer le droict de relliage au forgeron et celluy du fermier du port de la presant ville sans qu'icelluy sindic soict tenu d'y contribuer finalement demeure accordé que toute la volailhe que lesdictz mettayers feront et nourrirons en lad(ite) metterie sera commune et()partagée migerement entre partyes / accordant lad(ite) delmas que ledict sindic leur a ce()jourd()huy faict prest de la quantitté de trois sacz seigle dont se sont contantés & promect icelluy sindic de leur prester l()esté prochain la quantitté de cinq sacz seigle ou misture pour subvenir a leur nourriture et entretenement en faisant le travail et

.....
cxxxviii.

culture des susdictes terres desquelz grains iceulx mettayers seront tenus de satisfaire ledict sindic aussy en mesme espece qualitté et quantitte sans interest lhors qu()ilz feront la recolte des grains desdictes terres]~~de lad(ite) metterie~~[la prochaine année auquel effect & surplus du contenu au presant instrument ainsy convenu et accordé par lesdictes partyes icelles ont obligés et ypotheques sçavoir ledict sindic les biens dudict couvent & lesdictz delmas]~~et ormieres mere et filz~~[les siens propres meubles immeubles presans et advenir mesmes par expres et en tiltre de prequaire leur part tant du proffict du susdict bestail que de la recolte de ladicte metterie qu'ont soumis aux rigueurs de justice avec les renon(ciation)s requizes et l'ont juré a dieu par serement en presance de m(aîtr)e gaspard danjey regent des escolles et jean belon bourgeois]~~signedevillemur~~[signes avec led(it) pere et moy dict no(tai)re requis lad(ite) delmas a dict ne sçavoir ^°]~~fa~~[ledict ormieres absant mais ladicte delmas sa mere faisant pour tous deux avec promesse de faire ratiffier le presant instrument a sondict filz quand besoing et requis sera sur peyne de respondre de tous despans damages et interestz ^° ny du travail que y a esté desia fait

G. Verdier, sendic

J. Belon, presant

G. Danjey, p(re)se)nt

Bascoul, not(aire)

(Mentions marginales)

Et advenu le
quinziesme jour

du mois d'aoust
mil six cens trente
six au lieu regnant
et pardevant quy
dessus establys
en personne les
susd(its) pere verdier
et anthoinette delmas
lesquelz de gré ont
respectivement
consenty a la cancella(ti)on
et resolu(ti)on du presant
contract en tous ses
chefz comme y ayant
este satisfaict de part
et d autre et()partant
promettent ne s()en
rien demander ny
faire demander
a l advenir faict
en presance
de jean puilaurens
et francois lamothe
dud(it) villemur signes
et moy no(tai)re requis
lad(ite) delmas a dict
ne scavoir

G. Verdier

Puilaurens, p(rese)nt

Lamothe, presant

Bascoul
not(aire)

.....

lad(ite) delmas me reste
cinq solz